

地 360.153

138

新 122

象州志

上

象州志序

補用同知署象州事南昌李世椿謹撰

志象州後於治象州志象州實難於治象州民之愚者論以  
理理之悖者裁以法法之窮者行以意治象州者如是而志  
象州者異是山川道里有定所秩官科目有定名田賦軍政  
有定則人材物力有定數無理可諭無法可裁卽訛者正之  
缺者補之亦不能以意自爲也故時較後而勢較難舊志肇  
修於雍正十二年前任祖君重修於乾隆十九年前任蔣君  
而最先刼始者則萬曆時海澄李公維岳也蔣距肇修數十  
年今距重修又百餘年矣咸豐改元地方多故治象州者日

象州志上序

不暇給志象州者更力不暇及此所以有待於後也余以同  
治七年蒞任以同治九年報政盜賊幸告靖錢糧幸符額城  
樓神廟衙署廢者興故者新而書院舊址菟葵燕麥搖動春  
風因大興土木旣落成遂徐及志乘屬諸紳之解事者備爲  
採訪又爲諸紳之董事者備其經費而林下鄭小谷比部適  
爲都講樂共編葺考古必確採今必詳體例之改正刪定詳  
凡例中非敢變前人之已然正以續前人之未備耳竣事而  
余當御篆故不及呈書上官亦不敢乞序上官因自述其原  
委於簡端然前李君初葺適得前鄉紳呂御史遺有草藁今  
余續修又得鄉紳鄭比部爲之纂錄是亦足見都人士之相

與有成矣後有治象州者觀其志象州者或於此申之因革  
損益不無小補云時同治九年秋九月二十日南昌李世椿  
謹序

凡例十則

方志之書地輿之書也有地斯有官而庶政由是起有地  
斯有人而庶事由是分而所出之物產所值之災變遂亦  
不得而略焉今總以四大綱刪去諸細目一曰紀地先爲  
沿革一表面疆域之道里山川之名勝城市之建置物類  
之生產俱類而列其間二曰紀官先爲秩官一表官之著  
績於此者間爲小傳其謫宦於此者亦爲連書而田賦之

象州志

上

凡例

二

額數學校之典禮兵備之防備俱附於其後所謂政也政  
從官者也三曰紀人先爲科舉一表人之名行可紀者間  
爲小傳其婦女可紀者亦爲連書而人民之術業風俗之  
禮節時事之理亂俱附於其後所謂事也事從人者也四  
曰紀故沿革之故蹟政事之故典人物之故籍俱載而載  
其中令考古者有據而復古者有由焉提綱不煩畧目已  
括此全志大概也

舊志職官無表科舉亦無表尊卑順序前後倒置竟似縣  
役花名卯簿閱者不了然作者先漫然此不可不補

舊志疆域有總圖各里無分圖所列村墟山水關梁各條

名目雖具脈絡不清此不可不補

九野下屬九州業已參差不合一方僅占一度尤爲茫昧不分而修志者必首列天文妄爲附會此不可不刪春雲秋月何時不然水色山光何處不有俗志強列入景之目俗人又妄爲八景之詩支離可憎荒陋可鄙此不可不刪

閩百詩論統志緣於山川諸門外刪去人物一門所見甚高而於方志未宜傾軫統志紀四海之大百代之遠其人物之卓卓可紀者自有國史今裁入地志是以志奪史也若一方之人物未必皆可入一代之史冊不於志詳之彼

象州志 上 凡例

三

所有文人學士義夫烈女將於何所存之耶此似不可從章實齋論修志欲於藝文專門外別增支徵一門謂藝文只載書名文徵可收眾作殊不知志地方何與於選文字彼果有關於地方利病地方建置地方名勝已細注於各門各條之下其他卽號爲作家別有名篇當於本人傳中及之豈必以刊志者代人刊集耶此斷不可從

名宦鄉賢之祠 朝廷所定則名宦鄉賢之目必督撫所奏今俱非其實不得襲其名統以紀官紀人爲得體

藝文之志金石之略方志每每湊數強分兩門不滿一藝吾鄉前人著作無傳書各處碑版無遺文則竟可闕之

新志既修舊志必廢實則後人据前人底本重爲補訂以  
求詳備非必遂勝之也故將以前修志姓名及修志體例  
亦爲刪取其略有所更正得以互考前明萬曆時李公維  
岳規分四卷析類三十有八見徐濟所作序文書不傳

國朝雍正時祖公承祜所修無考乾隆時蔣公何萊仍分  
四卷析類二十見陸公藹吉所刊凡例書尙存卽今所據  
之本也其書第一卷五門曰天文曰輿圖曰沿革曰疆域  
曰山川而附子目十有五第二卷分五門曰民賦曰鹽法  
曰學校曰建置曰壇祠而附子目十有一第三卷分四門  
曰秩官曰選舉曰軍政曰名宦無子目第四卷分六門曰

象州志

上

凡例

四

六 遷謫曰人物曰諸蠻日記序曰詩鈔曰雜錄而附子目者

象州志

監修 署象州事南昌李世椿

纂修 刑部主事郡人鄭獻甫

採訪

附監生鄭渠

修仁縣學教諭劉士幹

生員馮元鏞

校錄

舉人李日章

軍功保舉知縣李文雄

生員劉詠裳

校刊 陽朔縣學訓導石建渠

紀地第一帙

象州志

上

紀地

壹

紀地之首沿革猶命物之有名號否則分析合併同異皆無辨矣象在漢時屬鬱林郡在吳時屬桂林郡本潭中中溜二縣地名雖始於秦其實秦之象郡乃漢之日南郡今之安南國非唐之象州也攷晉桂林郡領縣八有潭中而無中溜宋桂林郡領縣七有中溜而無潭中齊桂林郡領縣十一而中溜潭中並見陳時始置象郡隋廢爲象縣唐時始置象州而陽壽武德西寧武仙爲所屬其後省析桂林之西寧武德二縣入之後又以廢晏州之建陵長風二縣屬之移治武化在正觀時復治陽壽在大曆時卽今臨大江之治所也唐以前本兼陽壽武化數縣宋以後猶領武仙來賓二縣明時始爲

象州志

上

紀地

一

散州今因之則不得涉他處矣所紀之道里山川人物皆准此



地

地

地

地

地

地

地

地

地

地

地

地

象州志

三

宋時州領三縣故樂史太平寰宇記言東西四百二十七里南北二百五十七里蓋兼來賓武仙言之也今只治一縣故舊志言東西一百八十五里南北一百里宋時東至冀州今潯州二百六十五里今則東至纒村接平樂修仁界一百二十五里宋時西至柳州馬平縣二十七里今則西至回龍村接馬平縣界五十里宋時南至貴州今貴縣五百里今則南壘牛關塘接武宣縣界五十里宋時北至柳州象縣一百六十里今則北至波羅村接雜容縣界五十里宋時東南至潯州桂平縣一百五十里今則東南至大欖嶺接潯州府平南縣界一百三十里宋時西南至澄州界今上林縣地二百十七里今則

象州志

上

紀地

四

西南至三角村接來賓縣界五十里宋時東北至西唐州一百九十里今則東北至迷塘村接平樂府修仁縣界九十里宋時西北至柳州二百里今則西北至牙村接雜容縣界五十里据道里推之州之東宋時贏一百三十里東北贏一百里則唐所析置建陵長風二縣當在其地今修仁界也州之北宋時贏一百十里西北贏一百七十里則隋時所置之象縣唐時所析之武德當在其地今雜容馬平界也州之南宋時贏四百五十里東南贏二十里則唐時所析之武化西寧二縣當在其地今武宣界也皆與今州治陽壽地無涉

漢時中溜潭中縣名考

說文解字潭水出武陵鍾成玉山東入鬱从水覃聲

漢志鍾成下曰玉山潭水所出東至阿林入鬱過郡二行七百二十里過郡二者武陵鬱林也今廣西潯州府阿林廢縣漢縣也鬱林郡廣鬱下曰鬱水首受夜郎原水東至番禺郡四會入海過郡四行四千三十里過郡四者牂牁蒼梧鬱林南海也潭水卽今福祿江源出苗地東南至今貴州黎平府西爲古州江東至永從縣南合彩江爲福祿江入廣西界至柳城縣爲柳江又東南經象州至潯州府城北曰潯江此爲廣西之右江亦曰北江合廣西左江亦曰南注卽所謂入鬱也唐始置潯州以北潯江爲名潯江

象州志上

紀地

五

卽古潭水古二字同音因改其字耳今以上流爲柳江下流爲潯江漢人統曰潭下流亦曰溜潭與溜實一水也

說文解字溜水出鬱林郡从水留聲

漢志有中鬱縣卽古曰留力救反水名蓋中留潭中皆以水得名也後志及宋書州郡志作中溜字從水疑前志亦當從水元和郡縣志曰貞觀八年改南昆州爲柳州因柳江爲名柳州卽今柳州府柳江出苗地至今貴州古州永從縣生苗峒中東南入廣西至柳城縣曰柳江至象州會於盤江柳江卽古溜水也後世譌其字耳

地理志武陵郡鍾成玉山潭水所出東至阿林入鬱過郡二

行七百二十里

今貴州永從縣福祿江出縣西境山東南流至廣西曰柳江又南流至桂平縣與鬱江合此水今不止七百餘里

地里志牂牁郡毋斂剛水東至潭中入潭

今廣西融縣水東流至縣東境入柳江

地里志鬱林郡定周水首受無斂東入潭行七百九十里

今廣西思恩縣龍江首受貴州荔波縣樂村江東流入柳江

地里志武陵郡鐔成康谷水南入海

今廣西永安州黃源水西南流分二派其南派南流曰潯

象州志上

紀地

六

潯江又南流入柳江志文入海當作入潭

地里志益州郡毋撥橋水首受橋山東至中留入潭過郡四行三千一百二十里

今廣西凌雲縣北之紅水河首受北盤江也橋山今雲南  
潯益州西北境山北盤江所出也紅水河東流至象州與  
修仁合

合此五郡以考二水乃得源流了然案鬱林郡領縣十二  
曰布山曰安廣曰阿林曰廣鬱曰中留曰桂林曰潭中曰  
臨塵曰定周曰增食曰鎮方曰雍雞以水道經過考之  
謂潯中者當屬今融縣地所謂中留者當屬今象州地蓋

潭其上流溜其下流將河郡母斂之剛水在上故曰東至  
潭中入潭益州郡母撥橋之水在下故曰東至中留入潭  
而應劭注潭皆音淫與潯同師古注留皆音力救反與柳  
同乃恍然於今之潯江柳江卽此二水其實一水也因備  
錄說文參攷漢志以俟後之攷地里者正焉


# 象州總圖

象州志上

紀地

八

象州全圖





象州總圖說

州東界平樂之修仁西界馬平南界潯州之武宣北界雒容地皆相錯路亦互通惟東南東北間徭山列峙徭人散處有徑焉可通桂平平南各境中無居人亦無戍卒經畫所不及藏姦逋寇時出而搖蕩此則以界外視之而實當於界內圖之者也就其四封分爲八里柳江流其西外界西鄉一里徭山障其東中畫各鄉七里皆山多於地水少於田山則在州南者如天蓋山在州北者如五馬山在州東者如雷隱山以及烏嶺甕嶺石門嶺大歇嶺皆橫亘數里障蔽數村其餘之羅列者不勝計也水則落才江在南

象州志

上

紀地

十

鄉里大樟江百丈江在東安里香草江在安中里羅脈江下里江在昌化里源分流合滙於運江入於象江小舟泝流而上一可至落才河口一可至仁義江頭其餘則不能通也田之傍諸江者不患潦而遠諸江者常患旱十日不雨則畝畝拆一月不雨則溪澗竭農家三時力作或不足償一春籽種非講求陂塘雜蒔梁麥者其爲嗷嗷多矣